



Фарзандлари баркамол юрт қудратли бўлур

ТАДБИР

ЭНГ КАТТА БОЙЛИК

Хоразм вилоят прокуратурасида вилоят прокурори Д.Исроилов раислигида бўлиб ўтган навбатдаги идоралараро кенгашда Ер кодекси ижросининг аҳоли муҳокама қилинди. Умумий назорат бўлими прокурори С.Нурметов бу ҳақда ахборот берди.

Бу йил Хоразмда ерларнинг маълум бир қисми сув танқислиги сабабли фойдаланилмасдан қолмоқда. Вилоятда ерларнинг шўри 2-3 марта ювилиши лозим бўлган бир пайтда аксарият майдонлар бир марта, 2,5 фоиз майдоннинг шўри эса умуман ювилмаган.

Жорий йилда қўйлаётган сув танқислигини инобатга олиб, экин майдонларини сақлаб қолиш ва ерларнинг мелиоратив ҳолатини яхшилаш мақсадида вилоят хўжалиқлариға жами 350 та насос агрегатлари ўрнатилган. Айрим қорхоналар раҳбарлари томонидан ерларнинг мелиоратив ҳолатини яхшилаш, сугориш тармоқларини техникавий жиҳатдан соғлаш учун ажратилган давлат маблағларини

мақсадсиз ишлатиш ҳолатларига ҳам йўл қўйилган.

Шунингдек, баъзи хўжалиқларнинг масъул раҳбарлари хўжалиқ ерларининг талон-тарож қилиниш ҳолатларига ҳам йўл қўйганлар.

Айрим ширкат хўжалиқлари раҳбарлари томонидан статистика идораларига тақдим этилган ҳисоботларда экин майдонлари тўлиқ акс эттирилмаган. Масалан, Янгибозор туманидаги "Хоразм" ширкат хўжалиги бошқаруви раҳбарлари томонидан 113 гектар майдонга кузги бугдой ортиқча экилиб, бу майдонларга 4,5 миллион сўмлик харажат қилинган.

Бундай ҳолатларга Гурлан, Қўшқўпир, Янгибозор ва бошқа туманлар хўжалиқларида ҳам йўл қўйилиб, вилоят бўйича жами 1178,3 гектар кузги бугдой экилган майдонлар ҳисобдан яширилган. Айрим хўжалиқларда эса фуқаролар томонидан ерларнинг ўзбошимчилик билан эгаллаб олинishiга йўл қўйилган.

Масалан, Хонка туманидаги Али-

шер Навоий номли ширкат хўжалигининг 5 - бўлимида фуқаролар хўжаликка тегишли бўлган 1,5 гектар экин майдонида ўзбошимчилик билан деҳқончилик қилаётгани аниқланди. Бундай ҳолатлар шу тумандаги Ш.Рашидов номли, Хива туманидаги Беруний номли, Қўшқўпир туманидаги "Тошкент" ширкат хўжалиқларида ҳам аниқланиб, маъмурий ҳуқуқбузарликка доир ишлар қўзғатилди ва ерлар хўжалиқ ҳисобига қайтарилди.

Шунингдек, маърузачи вилоят давлат солиқ бошқармаси, ер ресурслари бошқармаси томонидан Ер кодекси ижроси юзасидан ўтказилган текширишлар аксарият ҳолларда сифатсиз ва номигагина ўтказилганлигини таъкидлади.

Кенгашда тегишли ташкилот раҳбарларига мавжуд камчиликларни бартараф этиш учун қатъий чора қўриш топширилди. Муҳокама этилган масалалар юзасидан қарор қабул қилинди.

Б.УЛЛИБОБОВ,
"Ҳуқуқ" муҳбири.

ЧОРШАНБАДАН ЧОРШАНБАГАЧА

Ўзбекистон Миллий ахборот агентлиги — ЎЗА, "Маънавият ва маърифат" кенгаши ва Бадий академия ҳамкорлиқда мамлакатимиз мустақиллигининг 10 йиллиги муносабати билан "Шу азиз Ватан — барчамизники" фестивалини ўтказди. Фестивалда Қорақалпоғистон Республикаси, барча вилоятлар ва Тошкент шаҳридан вакиллар иштирок этди.

Бухорода "Ўзкоммунизмат" агентлиги ҳайъатининг сайёр йиғилиши бўлиб ўтди. Унда Президент фармонлари ва ҳукуматнинг тегишли қарорлари асосида коммунал хўжалик соҳасида олиб борилаётган иқтисодий ислохотларнинг ижроси масаласи муҳокама қилинди.

Ўзбекистон Республикаси Вазирлар Маҳкамасида Ўзбекистон Республикаси Бош вазири Ў.Султонов раислигида Ҳисоб-китоблар механизми такомиллаштириш ва бюджетга тўловлар интизомини мустаҳкамлаш ҳукумат комиссиясининг йиғилиши бўлиб ўтди. Унда бюджетга ва бюджетдан ташқари жамғармаларга тўловлар, ўзаро ҳисоб-китоблар аҳоли, Республика вазирилик ва идораларида иш ҳақи ўз вақтида тўланиши масалалари, шунингдек, Қорақалпоғистон Республикаси, Андижон ҳамда Бухоро вилоятларидаги тегишли ҳудудий комиссиялар фаолияти кўриб чиқилди.

НАТОнинг "Фан — тинчлик йўлида" дастури доирасида "Тошкентда ва Бишкекда сейсмик хавфни баҳолаш ҳамда уни камайтириш" лойиҳасини амалга оширишда иштирок этаётган бир гуруҳ олимлар Хоразм вилоятига ташриф буюрди.

Фарғонада "Экология, оналик ва болалик" Дастури бўйича "Экофестивал" бошланди.

Тошкентда "Интерконтинентал" меҳмонхонасининг "Амир Темур" залида "Ўзбекистон нефти ва гази" (OGU) мавзусида халқаро конференция бўлиб ўтди. Унда Миллий нефтгаз компанияси ва унинг шўьба қорхоналарининг хусусийлаштирилиши эълон қилинди.

Ўзбекистон Республикаси Президенти Ислам Каримов 18 май куни Оксаройда АҚШ Қуролли Кучлари Марказий қўмондонлиги бош қўмондони Томми Франксни қабул қилди.

Ўтган ҳафтада мамлакатимизда Бутунжойта қасаба уюшмалари федерацияси котиби Донг Ли бошчилигидаги делегация меҳмон бўлди.

Тошкент шаҳрида "Пахтабанк" ташаббуси билан Осиё-Тинч океани қишлоқ ва қишлоқ хўжалигини кредитлаш Ассоциацияси (АПРАКА)нинг микрохизмат дастури бўйича қишлоқ хўжалиги ва микромолияга бағишланган семинар иш бошлады.

МОҲИЯТ

ЭЛ ФАРОВОНЛИГИ ЭНГ ОЛИЙ ҚОНУН БЎЛИШИ ЗАРУР.

ЦИЦЕРОН

УШБУ СОНДА

«ҚОТИЛ ОТА... ЎГАЙ ОНА»

Отаси ётган уйнинг эшигини очибқоқ Феруза галати манзарага гувоҳ бўлди. Абдусаттор ўглини ерга босганича устида ўтирар, атрофда синган стул бўлаклари сочилган, отанинг қўлида учига михлар қадалган ёғоч бўлага бор эди.

4-БЕТ

ТАҚДИР ТОШИ

Ўлмас онаси кўрсатган томонга қаради. Бола эмасми, ишонди. У онаси алдаётганини, уни ташлаб "борса-келмас"га мангу кетаётганлигини билмасди.

6-БЕТ

